

乙
籀
刻
句



04438

二餘詞

吾州里諸君子行敦道義藝崇風雅凡燕集
過從以詞倡鬪或用韻或因韻而循整錄列
燭故事而相角不相下騷壇稱盛焉子後諸
君子後其詞成必予及予必和予詞成必及
諸君子必和予茲輯予詞得若干闕固惟率
其意興所詣者耳若夫諧歌協音錄句鍛字
夫我則不暇嘉靖庚戌春三月二餘居士書
於紫蓉精舍中

萬年歡

二餘詞

天

元旦州司祝

聖壽

昨夜歲除喜今朝
淋漓氣已回
南國寶座天開
曙色祥光交燭景
象快人心目
聽環珮鏗珠鳴
玉正冠裳濟楚威
儀何數
漢官粧束歡情盡
足樂聲忽縹緲
飛來鈞天法曲
迓慶履端八
百周年曾卜爛燦
五雲相慶天心
慶禎祥連
續願三陽君子
同升白駒不歌
空谷

滿江紅

元宵

澤國春回正三五良宵佳節花市裡火樹凌寒
星橋逗熱香車寶馬驅馳遍繡被羅襦粧束別
捲珠簾十二樂偏多難盡說 簇蓮球團團葉
鬧鐵兒盈盈蝶更鰲山上下景致奇絕萬戶千
門光掩映清綵細竹聲和切聽落梅踏歌歸去
也留明月

答贈周仰峰

五馬之官振南國羔羊雅節布陽春幽谷無寒
要津無熟義緊直追澹古盛襟期却與今人別
喜福星炯炯照婁東爭頌說 自君來桐剪葉

二餘詞

天

二

到今來花藏蝶剗屈指期年風清弊絕漢室循
良名不朽陽城撫字心尤切義一點光明相照
映冰壺月

黑首為郎擔平生素綵高節從辭了絳闕丹霄
不禁中熱白璧無瑕元自重蒼蠅有點終還別
信行藏曲命不由人從古說 聚復散風前葉
無似有夢中蝶嘆世事難憑好緣易絕花鳥愁
深紅頰熾琵琶淚染青衫切問 賜環何日下
東吳春三月

珠館開筵肯負了燒燈佳節最愛是彩華拈春
繡屏圍熟寶劍雙龍湖海合崑山片玉敲華別
羨主人才藝倍尋常人都說 萬餘株懷素葉
三百首謝逸蝶更多些韻度虛頭癡絕對酒當
歌心轉造閑闌投轄情偏切媿不才黑髮坐春
風非一月

贈陸復泉

平生尚友漢郊度清風大節長日住芸屋香
菽園春熱道見程朱心自得詞凌班馬才終別
筭古今書有五車多曾誦說 鏤三年成玉葉

二條初

三

背千金逐粉蝶總世界虛華分明謝絕共仰文
章山斗重已占劍履星辰切羨鄰林丹桂一枝
芳秋八月

荅贈陸南門

天與奇才正相稱激昂氣節更從來見事風生
憤時心熱經略應教北虜淨文章却許西京別
論大同世變百餘年從頭說 戰文場蠶食葉
振詩壇雪如蝶問歐蘇手段果誰雄絕荆璞翻
嗔人識寡杞天却怪憂心切遇 王明萬里際

風雲攀日月

贈陸中虛

笑睨輒坤儘容得散人高節閑料理受竹風寒
烘花日熱野寺村橋行跡遍經床丹鼎生涯別
偶相逢高陽舊酒徒從容說 吳江冷吟楓葉
滕閣曉描蝴蝶却花鳥盟深風塵交絕白紵新
翻聲轉妙瑤琴獨鼓情何切濯滄浪一棹夜歸
來乘明月

送陳鳴野

君去楊州唱新詞令儂擊節對燈前快飲懷開
仰天耳熱湖海由來多勝賞鶯花何事愁輕別

二餘刻

八

四

念十年姓字已神交非今說 灑雲烟書薤葉
染丹青描蛺蝶更斗酒百篇共稱三絕西出陽
關行道遠相看雲樹牽情切約歸時訪爾曲池
山同看月

寒食

江城百五正遇着禁烟時節西壠上風木生寒
露花凝熱黃壤重重見面難蓼莪黯黯傷情別
嘆年來心事轉粃粃無處說 倒銀瓶澆竹葉
葵金錢飛紙蝶對春暉淚濺暮雲腸絕芳草遙
牽愁緒長慈烏高送悲聲切歸來晚坐想舊儀

形空梁月

眼兒媚

寄友

楊柳風吹櫓聲柔
離歌生遠愁
花鳥多情江湖
高興未易教休
何處吹簫明月夜
飛夢遶紅樓
相思只在賣花橋
畔勸酒壚頭

苔仰峰

一曲瑤琴春風柔
百里絕無愁
雨足耜犁月明
機杼民豫民休
飛翻雙鳥凌霄漢
直入鳳凰樓
相逢期在玉河堤上
金水橋頭

二餘詞

入
苔徐感翁

五

桃李門墻花氣柔
春事足銷愁
一丘一壑一觴
一咏韻度休休
孤踪漸與紅塵遠
懶下讀書樓
尋常詩興灞陵驢
背采石磯頭

水龍吟

題晉川尊師別墅

韶華已到江南
羨名園占領
偏足景光劇好
花塢紅粧竹林翠
簇芳徑迢迢
朱簾隱隱清溪曲
曲聽調轉梅花歌
翻桃李樂聲齊
破幽獨也
曾飛纓食肉歸來
早煩襟盡浴
綠野烟霞平泉

木石杜陵珠玉過逢賓從綉轂春浮羅衣香撲
更風流笑語湯倒金尊高燒銀燭

隱括前後赤壁賦

緬懷秋月既望游赤壁徘徊未足舉酒屬客樂
甚扣舷歌聲綴簇桂棹蘭漿沿沂流光洞簫一
曲且馮虛御風洗盞更酌挾飛仙遺世獨三
國英雄魚肉恨曹瞞旌旗日浴席視孫劉醜酒
臨江賦詩銜玉周郎破敵烏鵲南飛竟成空撲
無盡藏明月清風且待重游秉燭

臨皋二客過逢瞻赤壁風月興足問婦取酒舉

二條詞

六

網得魚從游者簇巢攀棲鷗宮俯馮夷山顛水
曲嘆日月幾何江山易變放中流慰幽獨長
嘯清風逗肉橫江鶴羽毛初浴客去我眠夢中
道士翩躚如玉謂游樂乎問其姓名凌雲高撲
開戶視不見其處照我獨留華燭

桃源憶故人

同諸子泛江

蘭橈蕩破春江曉十里浪花迷了飛去飛來白
鳥芳思添多少楊柳垂垂因風裊天際青山
如掃雙鬢相看未老笑挹金光草

客至

三竿紅日春初曉
花外小車來了
風送垂楊鳴
鳥肯謂知音少
隔竹茶烟青裊裊
荒徑今緣
客掃正喜風光未老
且醉眠芳草

弔陸嶺正秀才

雨橫風狂春未曉
報玉樹摧殘了
淚咽三更啼
鳥悲怨知多少
總帳沉沉雲裊裊
梧竹空階
誰掃白日青山共老
剩得文章草

風流子

別周鳳南

二禽詞

七

韶光初着柳極望裏景色徧芳洲
柰愛日易馳
春輝難報萬千情緒展轉心頭却不禁陽關人
去去江漢思悠悠
雨裏輕塵花顛新暈雲迷莎
岫風送蘭舟
一杯須盡勸當年記清夢曾落
刀州又見草生南浦
蕪語東樓嘆寶劍雙分相
逢未準銀缸獨照
欲說還休莫道君愁別我
我
更多愁

過李銘泉園居

別墅成新築問景色恰好占滄洲
更溪水會心
雲山送目松濤洗耳竹葉扶頭
羨個中紅塵無

擾擾清興有悠悠花泊華床芸香書架竹藏茶
竈柳繫漁舟 主人元嗜隱暮高士雅懷只在
南州慣是日長敲枕月滿登樓我一丘一壑從
今作伴或歌或舞共醉纔休且取及時行樂莫
記閑愁

登穿山同張滄江賦

玲瓏一拳石鑿混沌突兀立江洲看樹浸七雅
花迷雙鳳潮通海口地接沙頭極可愛塵囂元
漠漠風景儘悠悠竹院鳴鐘杳村吠犬柳溪弄
笛樵渡橫舟 吳中山水窟羨此境形勝不負

二餘詞

天

八

名州正是天成鐵甕神構瓊樓有避俗陶潛卜
幽杜甫尋仙阮肇學佛裴休二月我來登眺萬
古銷愁

荅何二春游

江南花信早問樵李踏遍幾汀洲便繫馬村中
聽鶯堤上買魚渡口沽酒壚頭正滿目韶華方
冉冉樂事豈悠悠別院秋千誰家笑語隔溪簫
鼓何處歸舟 尋芳人競逐想春色十分只讓
皇州也有雕鞍繡轂翠箔朱樓更柳約花期明
朝重訂舞裙歌扇薄暮方休莫恠婆婆老子長

對春愁

憶秦娥

落梅

風掀幕曉來瞥見梅花落梅花落瘦影凝雲餘
香粘鶴 樹頭樹底春光薄尋香覓影詩腸索
詩腸索綵筆閑停金尊高閣

張錦幕護花無計風吹落風吹落冷蕊寒枝悲
烏怨鶴 尋常自恠花綠薄花神去去勞搜索
勞搜索連老西湖杜陵東閣

二餘詞

天

九

飛病鶴 枝枝漏洩春風薄逐夢梨雲轉蕭索
轉蕭索月暗江城參橫山閣
深深幕間中檢點梅開落梅開落恨託啼鴿愁
啼飛鶴 歲寒心性非輕薄花期準擬巡簷索
巡簷索再拂吟牋重凭粧閣

小重山

題東川

綠漲粼粼接碧空可人魚鳥境着閒翁蓬萊只
在海之東烟霞迥杖屨任從容 無分學層巖
有時移短棹泛春風歸來蓬底夕陽紅同酒

爛醉水雲中

送客

飛纓帶劍氣橫空鏡裡朱顏去已成翁十年裘
馬路西東回家早丘壑抗塵容 有子附雲龍
錦衣歸省便舞春風頭上花枝照酒紅乘榆晚
笑傲醉鄒中

長相思

有懷

花一枝柳一枝江南春早客歸遲花前約漸移
花有期柳有期盼得春來信轉稀空深燕語

二餘詞

時

探梅

開一枝謝一枝莫恠逋翁探得遲春光暗裡移
開有期謝有期昨日花叢今日稀又是惜花
時

醉落魄

春興

綠江春弱下伏龜鼉腥未掠濯纓曾向滄浪學
載酒中流日映青絳幕 雲華霞彩蒸花萼笑
倚東風巾折角盈盈尚怯羅衫薄一鶴橫空清

影盃中落

綠堤春弱流鶯款款東西掠調聲睨曉簧如學
逐伴踏青到處張游幕勸酒行籌折桃萼聞
草圍碁興相角歡呼聲透春陰薄屬語東君莫
遣花零落

綠堦春弱有客款門頻掃掠花期約從頭學
酒氣茶烟荏苒侵簾幕且愁多雨欺紅萼陰
晴相與占風角景光留戀情非薄巢燕泥香幾
度雕深落

綠窓春弱鏡中蓬髻頻頻掠甲兵大范無能學
二條河

萬里烽煙桴鼓驚邊幕十年寶劍磨星夢一
聲何處吹愁角歛地悲歌天濛濛揮霍風雲早
見櫓槍落

風入松

答仰峰同南門過訪

華軒並過眼雙明玉塵語堪聽不嫌虛館無供
給飛觥到吸盡烏程一闋新翻樂府五言再見
長城百年肝膈喜同傾今古重交情白日黃
昏渾淪興只索要酒醉詩成且莫鳴騶躍馬還
須問燕留鶯

減字木蘭花

南庄即事

春眠初起尋常僻性慵梳洗過客敲門留坐東
窓共酒尊 采麻白話那問城中柴米價隔竹
鷄聲風颯茶烟縷縷青

一犁雨足田塍浸透秧苗綠結伴同耕歲計從
來只在勤 盈筐滿盎兩兩三三携午餉樹外
提壺頻叫村南有酒沽

風吹布穀短視掩脰牽黃犢到處深耕正喜江
門新水生 勞歌相勸及時好蒔秧田遍只怕

二餘詞

城中公事追呼又歇功

士

觀耕初罷隔溪又見牛羊下踏過溪橋楊柳飛
花粘鬢毛 臨江問渡中流欸乃聲無數歸去
黃昏燈火人家半掩門

風入松

答何繼美春思

玉燼挑殘燈半明漏點愁聽經時人在天涯遠
卜金錢幾問歸程枉負花朝月夕錯傳水驛山
城 繡床獨倚淚珠傾脉脉傷情相思轉覺無
聊賴和衣睡好夢難成曉鏡慵粧翠鳳曙窗驚

轉黃鶯

仰峰同毛浣翁過園亭

一尊午汎映眸明，梧竹閒聽獨憐九。十春光去
憑杯酒，且閒歸程柳絮飛。翻山徑梅花吹落江
城。霎時風急雨盆傾，總是傷情相逢肯減追
陪興。灑雲烟又見詩成觸目，稀紅暗綠驚心語
燕啼鶯。

湘簾晴靄逗霞明，鷗導遙聽荒園重。辱高軒出
笑談處，伊呂周程一曲月生竹徑。十今春滿花
城。風光盡付酒盃傾，轉覺多情。賜環召入

二餘韻

三

承明裡，經綸手，事業天成。頃省金門立鵠，還思
粉壁題鶯。

金明池

題贈晉川尊師南墅

綠水護田青山排闥，草滿無媒徑，路重門靜。晝
永簾垂帶，一抹柳烟桃雨，問佳景。天展畫圖飛
紅塵不到，林丘深處更白雪。郢中綵衣膝下，何
待珠歌翠舞。共羨先生，松菊主，把樂事賞心
尋常占住。過溪橋漫話，桑麻聽洞簫，渾忘泣訴
總喜是身閑得早。又營個菟裘盡蠲，辛苦惟尊

姐盤桓衣冠迎送恰有故人來去

柳梢青

郊行同尋壑賦

漲綠鷗沙婁江南去芳徑款斜風光荏苒陌頭
楊柳洞口桃花尋常樂事無涯春雲亂到處
啼鴉相携歸晚臨流問渡秉燭還家

送客

風捲晴沙蒲帆春滿去去斜斜別離情況幾重
江樹十里煙花分明咫尺天涯暮雲橫數盡
歸鴉相思人遠繫船何處沽酒誰家

二餘詞

踏莎行

古

答李竹泉春遊

過杜若洲經桃葉渡踏青覓得春深處歌迷酒
戀共追陪歡娛不問天將暮柳舞偏嬌梨粧
太素韶華九十無多數一聲題鴉叫東風怕他
催却春歸去

風流子

答贈尋壑

武陵春占早桃花蒲樹對蔭芳洲正門傍画橋
密含粉蝶綠江濯足紅日斜頭問平生形骸元

放浪興翹總清悠或註茶經或賡酒頌或填樂
府或弄漁舟 隨緣聊活計並不羨腰纏跨鶴
揚州只有筆床丹竈藥笈書樓但見好風月平
章初了過佳山水看遍纔休憑却五言寫興一
斗澆愁

鷓鴣天

答尋壑春思

風吹花氣隔簾聞十二欄杆月一痕相思人在
天涯遠花月深沉總斷魂 羞鼓瑟嬾開尊一
燈明滅伴黃昏恁底玉顏多薄命倩誰妙手賦

二餘詞

天

三五

長門

菩薩蠻

泛舟

曉漲一篙翻荇葉青山十里烟花匝風急布帆
垂鷁鷓撲浪飛 春色如何許楊柳搖金縷香
風隔岸聞又過浣花村

眼兒媚

答銘泉春懷

羅袖輕盈怯風寒飛夢到長干蜂慵蝶倦紅稀
綠暗春色將殘 三月家書猶未見錦瑟幾拋

閑相思無奈千重烟樹萬疊雲山

滿庭芳

題東臬書屋

花滿東臬柳迷西岼春風靜掩重門南州懸榻
北海貯新尊騷客酒徒釣侶常來往杖履續紛
况送杏種成萬對渾是董家村 吾園元咫尺
武陵勝槩却許平分喜交游兩世道誼終存長
日過從笑語相倡和醉墨濡痕深坐處鴨爐香
燼盡角報黃昏

望海潮

二餘詞

六

十六

送怡槐

烟浮柳渡風生莎岼爭看行節光華歌轉驪駒
孟傳鸚鵡徘徊鷺渚鷗沙曾侍五雲車喜天閑
蕃育牝牡平加三年勞勩一腔忠蓋報 王家
數聲何處吹笳更牙墻舞燕錦纜牽花年少
功名春晴道路別離何用咨嗟 閭闔曙光斜
聽禁鐘鳴裡萬對飛鴉早書上考 鳳章拜領
到江涯

雨坐

一陣狂風一迴驟雨分明斷送韶華槌暈銷紅

梨粧褪白芬菲暗委泥沙長記駕游車正東塗
西抹芳興交加醉眠犢草黃昏月出却還家
而今坐聽悲笳恰燒殘香燼落盡簷花柳絮顛
狂榆錢輕薄無端物色堪嗟燭影斜窗斜悵留
春不住醉墨翻雅賦詩相送莫教漂泊在天涯
踏莎行

答賈竹亭春行

楊柳溪橋桃花野渡十年車馬同游處聯詩曾
對月華明傷心祇見春光暮散亂雙魚浮沉

尺素相思輾轉愁無數東風聽轍子規啼聲聲

二檢月

訴盡空歸去

蝶戀花

話許翁

年老怕提年少事月榭花亭幾度笙歌醉歲月
侵尋流水逝形容鏡裡多憔悴平生也抱屠
龍計白首迤邐何處鸞刀試高塚麒麟呼不起
西風空灑銅駝淚

夜飛鵲

雨夜過銘泉別墅

牡丹春逗雨隱隱生寒重門靜掩琅玕相携踏

遍南塘路黃昏尚許追歡笑語盡屏圍處喜尊
浮綠醕歌汎猗蘭銅壺會意縱滴下未報更殘
莫負文期詩會風流真不減李杜登壇更說
銅杯深禪碁意遠且共盤桓天香國色極宜燒
燭來看與花神重約明雲歛乘興偷閑

風流子

答贈魯獄

四方孤矢志嘆而今踪跡滯滄洲愛咀嚼詩書
肯同鷄肋飛騰霄漢欲占鰲頭二十年心力多
勤苦功名豈繆悠手裡經綸綉衣華袞胸中灑

二錄詞

天

六

落飄瓦虛舟 騁騮看獨步探花去一日踏遍
皇州更要圖形麟閣贊化龍樓正際會風雲聲
華赫赫從容廊廟量度休休且願及時奮發莫
賦窮愁

破隊子

吳生持扇索書遂賦此

須認本原洞徹莫隨文字支離堯舜規模相印
證孔孟工夫任執持聖賢皆可爲 脚踏直尋
實地口開便落他岐平旦清明無梏害冬至天
心無改移此時君自知

丹鳳吟

謝仰峰惠扇并詞

閑居夏日初長草色連堦荷香浮閣候吏款門
珍送一函掀幕紈扇初裁瑤華新染金玉鏗鏘
雲烟回薄携向北窓笑展素質生風直與祝融
相角 最喜掃却煩囂障絕汚人塵土惡羨奉
揚一路正仁風遠播炎威盡鑠瓊宇清涼見永
月從天落念多情無數吹噓出入常常程便遇
秋來篋笥牢藏著

滿庭芳

二餘詞

答仰峰牡丹

五

翠葢凝霞牙籤逗日等閑換紫翻紅天香國色
綽約下瑤宮巧妙憑誰彩筆丹青染異樣形容
爛熳裡平章風月盡屬浣花翁 相逢羨當年
曲江得意走馬如龍正東塗西抹踏遍芳叢轉
眼春明門外重歡賞笑倚簾櫳相携問洛陽佳
麗莫放酒盃空

小重山

春集

雨歇芳園香霧濃海棠新暈膩正叢叢歌筵初

敵碧池東紅掩映，嫋嫋汎東風。花氣襲簾櫳。
酒杯酌麗景，莫教空陽春。白雪調偏同，相留戀。
爛醉月明中。

三月岩扉瑞氣濃，碧梧連翠竹已成。叢鳳凰將
集日，華東傳嘉信，雜鶴下春風。霞彩接雕籠。
歸來華表月，度瑤空。鸚班鷺，許還同。風力便
飛翥五雲中。

好事近

兩夜見燈花

鳳吐丹榮，媚黃昏、盈盈未落。月華耿耿，多情暈

二餘詞

天

三

春紅映閣，分明巧結奇葩。今夜看渾如昨天。
教報喜何偏肯，因風飛泊。

點絳脣

答尋壑醉歸

燕語晴簷，春眠過午，扶頭起，閑訪西鄰芳草烟。
凝翠，共倒金尊，花氣沾羅袂，歸來晚踏碎月。
明吟杖，風前倚。

鵲橋儂

茶

鳳團新試，蠟眼初浮，冉冉烟光輕度。渴吻潛消。

何待吸玉川碗數
兩腋風生滿懷香沁飛思
武夷春路一枕南窗卻睡魔正庭封圍陰未暮

風入松

晚晴

雨歇風迴渡口歸春事依稀夕陽逗暖偏遲下
洗紅光遙帶花枝一迳酒旗遠遠數聲牧笛時
時問誰賦就楚雲期空盛雙眉十二闌干凝
望裡正彩虹高掛天西暮靄倦鴉相趁落霞孤
鷺齊飛

江城子

二餘詞

天

三

答尋壑寄人

春夢驚回午思柔重榮憂淡難收念天涯何處
泊蘭舟語燕飛花偏攪亂在風流朱絲翠管
任淹畱去悠悠恨難休憑誰寄信問鴈幾登樓
縱有華箋長百尺寫不盡滿腔愁

小重山

風雨

問勝閑從溪上來一溪烟色正肥梅鷗沙鷺渚
共徘徊極望裡縹緲水雲堆獨上釣魚臺深
深桃浪暖沫魚腮紅塵元不染青鞋忙歸去風

雨又相催

阮郎歸

春暮

問春何日不溪山
送盡韶光屬等閑
頻將詩句刪
燕子語梁間
新綠暗
亂紅殘
飛絮點雲鬟
莫謂全無兒女態
脉脉獨憑闌

酹江月

落花

雨橫風狂見霎時
斷送十分春色
飄泊東西幾迴旋
惹得幽情脉脉
歌袖遮紅舞裙
映紫曾記
纖纖摘而今
飛散盡入尋常巷陌
滿眼韶華
寂寂玉減香銷
嘆蝶分蜂
拆白日易馳
朱顏難貯
莫問朝生暮息
子規聲咽
苦留不住
明月懸
愁的酒盡
詩慳
情緒萬千縈積

夏初臨

訪晉川尊師別墅

桃谷行春
莎江汎午
踏歌芳迳
偏長五柳門開
輕風時送
鶯簧一尊
携向林塘
正荷錢點點浮香
徘徊花下
灑氣凝空
雪綺生涼
朱明受節
青帝回輶
莫驚頭白
共戀昏黃
相逢盡興
禪絲

品竹飛觴何問紅粧喜
追陪珠履成行踞胡床
臨風披襟月過回廊

千秋歲

仰峰同陸子伯仲過訪

踈篁圍砌雨歇苔痕細
高軒過芳塵起開懷尊
送綠澱齒梅沾翠同歡
笑隔墻驚破黃鶯睡
雅興憑詩寄孤懷任酒
洗槐陰畔荷香裡雲停
迷醉眼風轉翻歌袂揮
毫迅硯池不住教添水
答贈形齋

踈花園砌日逗湘簾細
槐陰轉荷香起交游頭

二禽詞

半白歌舞眉雙翠問字者尋常攪破南窓睡

寶劍高懷寄錦瑟孤愁洗習池上謝庭裡烟波
浮酒船蘭王娛吟袂濯足也臨風一曲滄浪水
滿庭芳

曉川來鶴亭雅集

翠葆竹搖紅巾榴蹙送香荷葉音鮮借閑問勝
相逐駐華韉花下飛纓曳履喜追陪錦後珠前
歡呼起驚翻百舌芳斟散晴烟留連看鶴亭
尊浮綠蟻燭列金蓮更題闔分韻角突爭先雕
檻疏簾逗晚明月滿光映嬋娟羨東南賞心樂

事總屬玉堂仙

紫府仙卿碧山學士吟窩枕翠圍紅疏窓面面
簾捲芰荷風長日過逢笑語笙歌應玉振金樞
明月上鶴歸華表香靄滿瑤空 欣逢羨年時
辭榮 闕下返棹江東恰幾忘海鳥夢繞雲龍
對景一觴一咏芳眉映寶篆蘭缸相扶醉涼生
紈扇槐影散重重

夢落江湖憂牽廊廟平生大范心期 青宮珥
筆風裁老南司便會急流勇退歸來占鷺渚鷗
溪筭生計漢陰灌圃共與久忘機 侶隨常覓

二餘詞

五

勝踏歌花陌弄釣苔磯嘆安能唯伏終見雄飛
况繫蒼生雅望論裴度功着淮西且莫問英雄
千古一笑盡金卮

答仰峰

廿載科名九年法吏饜餐未脫齏鹽歸來廬次
逋伏絕穠纖蓬跣任從性嬾三竿日正照茆簷
打門吏瑤函遠送珍重動遐瞻 遲滯類展玩
先生掌上喜見眉尖羨主賓並美風月平添樂
府新翻絕妙踏歌處一笑掀髯嘆幾回欲賡且
止最怯律清嚴

賀新郎

仁甫諸子過飲

暑氣回書屋日初長槐影乍移燕雛新浴花天
月地重盤桓笑語座中飛玉正畫架紅櫻綴熟
相逢快飲莫留殘聽檀板輕敲翻麗曲巧和切
弄絲竹 疎簾日下湘紋蹙且趁取朋好綢繆
破除愁獨卜夜還應秉燭游風月元無拘束莫
負了臉紅眉綠底用空懷百歲憂興味盡憑光
景觸尊有酒俎有藪

喜遷鶯

二徐同稿

天

三

送敖蒙泉

早辭闈闔喜咫尺

龍顏輝煌

鳳勅節制戎

機拊循民瘼姓字兒童皆識玉馬行空塵淨錦

帆壓海波息羨保障正功著江南心勤天北

明陟過齊魯榮戟流光笳鼓催行色薇省嘯歌

甘棠德愛早奏承宣績好趁風雲際會快上星

辰劍烏聽頌說是清時山斗 明廷柱石

滿庭芳

賀張司直得孫

蓮綴並頭鶴來接羽天教先報嘉徵孫枝交秀

玉樹映芝庭，疊掛乘旅蓬。矢見簾櫳喜氣充，盈
聽落地咏，咏齊響英物，照眸明。學生欣快觀
丹丘，鸞鷲玄圃，麒麟羨聯珠。五色合璧，雙清他
日填。箎協奏，競頭角異體同形。問周空追隨，八
子勛業共崢嶸。

喜遷鶯

尋壑銘泉十一子夜集

月輪東發見清光，浮砌盈盈。梧葉酒送瑤卮歌
傳檀板，那讓陽春白雪，共戀金蘭契。好直任銅
龍涌徹，正從容挹四座高談，一簾香屑。聽說

二餘月稿

天

三

遇佳景盡醉，何妨肯使愁空結。從古盛名皎皎
易污，曉曉偏易缺。只索隨時行止，莫問到頭雄
傑。且歡娛趁笑口，纔開詞源未竭。

千秋歲

周李十一子過飲

班荆芳砌，新月歌聲細。行雲遏，驚鳥起，風流頭
尚綠。笑語眉偏翠。醉還醒，低喚起，柅笙睡。
學劍雄心寄，學書俗慮洗。江湖上，廟廊裡，行藏
各隨分。歡譁頻牽袂。羨交情，君子汪汪澹如水。

酌江月

端午

尋常行樂汎晴江芳杜香浮輕紵照水驚看頭
欲白時序又逢重午艾席新裁赤符初戴風俗
傳荆楚慨想靈均高節震凌今古何事后村
老子浪說騷魂尚垂涎角黍獨醒清言在耳
肯怨蛟饒龍怒還記當年懷沙舊恨心與菖歎
苦莫論濁醉笑對青山起舞

踈簾淡月

晉川師雅集

洞簫聲細聽律呂相和因風吹碎陡觸孤懷曉
二餘詞

汎盈盈江水問誰獨醒誰皆醉想行吟形容憔悴
龍舟競渡角黍爭投饒蛟驚起又何幸逢
君花裡吳鈞結綠齊紈展翠笑口重開莫說難
逢人世從今洗却愁滋味戀餘歡淹留棹里踏
歌歸去踈簾淡月攬人清寐

滿庭芳

答謝仰峰

蘼笈扶年丹經消日薰風漸鏤肌膚閑闕習靜
身世總虛無瞥見故人佳句頻咀嚼珍出天厨
巧相應調高律細錦瑟協鸞竽 須臾看變化

玉龍雲海寶馬天衢况不粘皂相已脫羈羶何
數當年琳檄振沉痾鞭起頑駑羨藝府元推宗
匠今復見班輸

綠枿沿桼蒼松間竹歸來闌徑三三從來光霽
吟弄性偏耽兩腋風生涼透臨池上寶月中涵
想舊伴五陵年少裘馬任幽探 盈簪今白髮
外交寡合內懼多男幸高軒長日枉過窮檐接
膝笑談今古試新茶雀舌香含獲雅調琳琅金
薤滿篋豈云貪

沁園春

三餘詞

天

天

送鈍菴

孤衷守鈍肯思穎脫盡斂鋒芒羨北闕上書聲
名並起南州別駕琴鶴相將平易持心公勤行
事夙夜寧辭簿領忙正頌說道一壺冰月五絨
羔羊 共看黎庶歡康又敬脩職貢覲 龍光
聽驪駒歌葦酒酌別緒風雲志壯劍掛行裝
聖主陟明天官論績除書晉秩重褒揚更吾民
念無由攀轍有詠思棠

滿庭芳

同陸仲子賦

彈鋏歸來閉門逋伏卧痾帶褪屣屐長安北望
飛夢佩文螭問勝過從蘭榭聽說劍辯却雄雌
是誰鑄干將湯理曾否有成規 解來重把贈
斷金隨手截玉如脂者威行雷電光照茅茨藏
器待時而動喜朝野福履同綏管取見崆峒獨
倚功業詎須推

松韻一堤荷香十里少年曾走金陵而今潦倒
踪跡轉無憑五月江城酷暑併赤脚踏破寒氷
遇故人清飈滿座涼思喜相乘 眼青真慰我

酒酌詩和舞倩歌徵正龍門洞啓鳳侶携登落
二餘詞稿 元

日雕欄同倚聽清響鶴度雲層欲跨渠遨遊八
極豪氣獨填膺

見事知機當場審勢笑他欲悔無臆大同高論
直欲滅羗氐夢覺闕頭悟徹抱詩書堯舜相稽
問行藏自甘吸醋不懶乞鄰醯 從來窺遠略
鬚將虎將鱗向龍批美文章遇合機會非睨翼
我 皇明景運占五星珠綴躔奎好消息杏花

春雨金榜看新題

一抹風光半空霞氣分明歸鳥輕馱西山橫翠
眉黛展雙娥盃酒共醺笑語頻移席清陰松蘿

戀好景欲揮斜照湯情魯陽戈 聽歌還暗想
清時輕擲短鬢將儲問平生事業轉轉蹉跎且
愧形骸骯髒閉蓬戶高卧吟窩江湖遠無從報
國翻羨蔡池鷺

風入松

立峽日集仰峰

祝融收暑未全歸疎柳依稀一簾花露初零落
金風動葉剪桐枝正喜玉麈登饌莫隨紈扇驚
時 且羈酒約與詩期對景舒眉雕闌暗見流
螢度瑤空淨大火流西鼉鼓報更疊起羽觴戀

二餘詞稿

六

三

客類飛

望湘人

晉川師雅集

正白蓮辭社綠野息耕七月時光過半槐徑携
裝莎江喚渡十里歸來未晚畫閣重開綉屏再
拂鴨爐香暖共兒女纔話家常門外聞來朋伴
世俗難教勑斷况城市山林地偏心遠遇美
景良辰雅興而今非淺風和月只在酒邊詩畔
不盡輒坤奇觀且酌却樂事賞心莫問秋鴻表

燕

賀新涼

晉川師同訪仰峰中秋前一日

瑞應呈神鼎荷 朝庭清明有道海隅寧靜散
吏巾袍間游衍恰稱琴堂鶴徑喜一枕黑甜初
醒門外客來成雅集酒和詩喚起文園病筆陣
掃斜斜整整 三秋過半驚還省問姮娥三五
團圓清光先倩端的天從人意好莫說陰晴難
定且佇聽輓轡金井正一輪照徹河山影萬里
展玉臺鏡

石州慢

二餘詞

答仰峰

閨闔風回河漢雨收碧天空濶梧桐葉墜銀床
何處秋聲初發羨君孤拙從教湖海羈棲遙看
京洛雲千疊又見鵲乘橋過乞巧佳節 悲切
問誰行樂漫倩纖纖藕絲輕雪且趁瓦甌貯酒
茅簷留月杯盤草草却喜新詞絕妙襟期難與
尋常說促膝重綢繆休易成分別

望海潮

觀潮

芙蓉繁紫梧桐疎翠西風暗換年華地軸如浮

天樞欲撼怒濤吞吐千家且莫弔懷沙任靈昏
鴟革往事無涯戲駕舟航歡迎旗鼓興還奢

玉山銀漲偏佳看高連雲漢盡捲烟花隔岍綺
羅中流笑語相逢酒伴歌娃鷗鷺狎槁牙羨詞
翻白雪杯汎紅霞問爾錢塘江上勝槩定誰誇

已酉初度晉川師旣以詞謹用韻奉謝
剛過中秋正逢初度髯毛臨鏡生華廿載承恩
一官執法消埃未報 王家事業似搏沙愧年

躋知命學昧窺涯曉走蒼頭詞貽白雪誼偏奢

極憐懷抱非佳奈愁牽風木淚濺霜花記得

三餘詞

天

三

傳經春風侍坐三千誰讓名娃陶鑄自童牙老
來操几杖共玩烟霞喜得盈筓珠玉留與子孫
誇

意難忘

閱臨川集臨川應尹跋云公墓不知所

在

殘篇三復伊周孔孟節義文章奇特可惟心機

多矜學術無真識眇流俗任胸臆講新法新經

重譯屏忠賢引用奸邪互起攻擊 見說那當

時虜橫民窮經略昧長策只管朝更夕改勞勞

竟何益三不足傾人國釀禍釁靖康騷繹問青
山埋骨伊誰草莽難覓

慶春澤

仰峰陸子伯仲竹隅過訪

笠澤鱸肥洞庭橘熟正堪膾玉分金花徑苔荒
蓬門雲滿誰尋騶呼忽報高軒過更邀來三四
用簪共追陪爾我忘形總是同心 茶甌香篆
清風榻任燒燈促膝說古談今行樂尋常只拚
醉舞狂吟幾多流水高山調且教付數曲瑤琴
莫問他笑口難逢易擲光陰

二叠詞

多麗

仰峰陸子伯仲同子訪竹隅

記前宵雅會佳懷堪惜聽郢中陽春白雪喜君
卽席翻得展華牋斜斜整整灑雲烟染翠浮碧
寶馬鳴珂銅龍沉漏徘徊歸路一天曙色更今
日習池重過環珮集仙客留連處花生絳燭酒
泛芳席 羨共抱風雲逸相看冰玉孤格愧
迂踈尊前潦倒老眼摩挲洞天隔詞海舟航歷
壇節鉞直欲追隨轉無力笑師道從來得句只
是閉門覓須行樂美景良辰莫易拋擲

宴清都

望西湖

江鳥迎津鼓回頭望景光猶記前度綠水週遭
青山掩映畫橋朱戶中流不斷笙歌筭總是詩
儔酒侶共指點賣酒壚空受羨臺圯誰賦劇
隣外棲霞孤窻尚結風酸雨苦鐵馬霜嘶銀
瓶露泣英魂來去君王無意恢復羸住得湖山
勝處且問取南渡諸陵行人辯否

永遇樂

贈魏及齋

一餘句

天

三五

節鉞登壇貌緜擁纛雄姿英發白晝談兵清秋
拊劍雅稱封侯骨警出潢池義生赤膽赫赫冠
衝怒髮便興師直擣窮追樽俎從容禪壓萬
厰凌波千颿蹴浪羣盜煙飛樞臧捷書迴除兇
功著笑睨滄溟窄漢閣圖形晉庭賜樂皆是君
家舊物應指日威掃穹廬謨匡密勿

沁園春

贈陶玉泉

長軀廣肩緩帶輕裘躍馬飛纓愛學敲禮樂不
結章句藝兼騎射果稱干城平易存心寬和馭

衆四境年來震大名臺評重見褒嘉稠疊衆梓
光榮際時不負平生正雅望遙將祖武繩耆
碧幢春麗洋洋喜色紫營風轉繹繹歌聲運甓
翼勤枕戈奮志要掃胡塵萬里清功名遠竟分
封節鉞馳譽丹青

鳳凰閣

月夜集李周十一子

正良宵有客芳筵張翠幄纍纍叢桂綴丹萼極
望碧天如洗涼風迴薄霎時把炎歎掃却玉
輪滿處偏照朱門繡幙笑拈彩筆詩腸索對清

二餘詞

六

五

光幾人間著且莫問東升西落

渡江雲

夜興

征袍分曙色單車疋馬鎮日走風沙漫坡長不
斷爨烟高起纔見有人家雲霞引望偏縹緲隔
住京華遙指驛亭尋宿地昏黑又啼鴉堪嗟
客程難筭節序易過任孤吟獨酌閒排遣一鉤
新月正映窓紗年時記得經行處江楓淨秋老
蒹葭今歸去春風滿眼桃花

兩同心

張子話舊

瑞日烘雲暖回南國迂土牛簫鼓青郊飛綠勝
綺羅香陌既停驂少憇分司正遇佳客極喜
烟霞重話風塵相惜照顏色玉燭搖紅澆魂磊
金尊浮碧明發行回首春山也應生憶

踏莎行

元夕

月鏡飛雲星球凝霧天街車馬紛來去一尊相
對驛堂虛別離愁緒縈無數殘篆銷紅薄衾

堆素銅龍漏水隨風注舊年同伴恣歡游天涯

二餘詞

天

三五

此夕春羈住

沁園春

寄同社

既過立春又過元宵二月歸來况客邊尊俎久
辜花月鏡中顏色尚困塵埃舊話生疎故人老
大一笑相逢甚快哉長安遠記欲行未到先是
思回且教淨掃西齋有濁酒床頭臥次開正
野烟浮翠偏宜班草溪流汎白也好觀梅和露
碧樨倚雲紅杏莫問誰從天上裁風光好要及
時行樂肯遣徘徊

石州慢

話別

楚水吳山行踪飄泊心期間濶天教合併畫船
鼓吹揚州齊發沙頭繫纜清尊重話平生相憐
相惜愁堆疊紫陌並鳴珂憶少年時節悲切
湖海樓遲髻髮蕭蕭驚者添雪剛好倚闌聽鴈
停橈待月霎時潮長無奈挨舵開船情牽意絆
從誰說回首各風烟又一場離別

減字木蘭花

別武子

三餘詞

一

三

別離日久河上相逢歡執手君往金陵尚有川
途五日程吾還乘棹樂事追隨何與李把酒
思君目斷江東日暮雲

發船別去金陵纔是君游處兩地相思愁緒翻
多未見時君愁易散同行幸有青春伴難遣
吾愁又向鍾陵賦遠游

君家兄弟尋常通結婚姻拜道義多君伴我金
臺卧病身荒祠長夜殷勤慰問孤燈下此意
難忘別後相思轉轉長

相思非謬願爾清操長似舊謹守官箴頃稱從

來激烈心 風波早辯白首相知猶按劍莫怨
羈棲見說除書出 鳳墀

踏莎行

瓜洲阻風

蛟舞腥濤鼉吹毒霧昏黃阻絕瓜洲路孤航欲
發復遲留逢人盡勸公無渡 江北風波江南
雲樹盈盈隔水情空注燈前兒女算歸期歸期
何事多耽誤

二餘詞

三

二餘詞

終

門生林懋舉謹以剛鬣柔毛之儀致祭于

明故福建布政司叅議午江尊師陳公之靈維公海
嶽儲英性靈昭曠雅步儒林爲南州望肆採綠牒振
藻葳蕤甲科早獵通籍瑣闈初試東阿民社攸寄鳴
琴在堂政平俗治銓衡考最飾擢雲司片言以折五
聽靡私出典外臺風霜執憲肅肅科條百僚是憚載
分藩服遺愛甘棠循良愷悌邁古龔黃冀陟崇階登
翼王室豈天不愁哲人云沒嗟嗟我公兩宦于閩德
奉父母義感師生昔余舉鄉荷公首拔推轂恩深眷
言心結茲余簡

祭文

命佩印來蘇方將論報公也黃壚古今所難曰惟知
已幽冥之中諒余衷矣嗚呼小子曷其報之崇德建
勳努力前期日落寒阡玄宮辟窳白楊愁人涕零宿
草聊陳薄奠一上虛樽魂兮不昧鑒此微忱

直隸松江府同知舊治下門生鄭元韶謹以牲帛庶
羞之奠致祭于

故朝列大夫福建布政司叅議午翁陳老先生之靈
曰於惟老師厥德孔時金玉君子其臭如芝清聲肆
發奮翼天池出宰閩邑旣嚴且慈厚生正德甘棠繫
思

天子曰彥女才世資晉官司寇弼教疇咨之綱之紀
民罔干司洪都授憲風裁益持漢法三尺楊門四知
閩方被寇執政求支僉云舊帥素裕民脂旋屏且翰
不磷不緇卅年懷想方切迎姿仁不必壽逝者如斯

祭文

韶也奕戴治教兼之叨貳隣守盍盡我私磨公之像
三事素絲執公之嗣文寔在茲江東日薄海北雲滋
依依秋水愧落霞辭有芻一束有酒盈卮臨風弔祭
悵爾神馳

直隸蘇州府太倉州知州馮孜同知戴通判官黃文燁歐陽獻吏目杜希濂謹以剛鬣柔毛庶羞之奠致祭于

明朝列大夫福建布政司叅議午江陳老先生之靈曰維公挺生南服璠璣之器魁岸個儻英敏特異天葩日章周情孔思名登上第身躋膺仕始宰候官治劇理煩膽落曹史惠及黎元迺迪司寇譽望日喧庭無獄滯

國無民寃擢僉江臬風裁自植豪強股栗群工整飾爰陟閩藩戎事孔亟力疾赴官鞠躬盡職照人白日

祭文

灑道清風勤事匪懈

天眷日隆謂膺鼎輔竟厥崇庸云何多疾兩疏潛蹤厥蹤雖潛聲光益烈誰則如公完名全節致政盤桓宜享期耆抵家無何胡即隕絕公身雖沒疇孰與京流風餘韻啓我後生翼翼令子赫赫有聲孝思不匱襄事戒成孜等來吏茲邦高山仰止儀容莫覲德音在耳束帛壺觴敬薦靈几神其不泯尚祈享祀

直隸蘇州府太倉州儒學學正李韓訓導陳禹錫謹
以牲醴庶品敢致祭于

朝列大夫福建布政使司右叅議午江陳老先生之
靈曰嗚呼長熙累洽文運滋昌崑山濬源婁東發祥
公生穎異氣薄穹蒼抱冲履素茹藻擒章蚤掇巍科
出宰名邦吏畏其威民歌以揚擢屬司寇日崇令望
聽斷惟公折獄惟良簡在

帝心晉錫

龍章歷官藩臬志凜秋霜心存葵藿人

詠甘棠衆方拭目爲龍爲光炳幾先退聊以徜徉胡
爲一疾溘焉以亡蒼生絕望士林悲傷韓等服官黷
祭文

校承乏東倉公之令子咸在術庠克敬克孝肯構肯

堂輯公遺藁仰公流芳聞駕靈輻陳岡之陽薄奠誄

詞潛焉霑裳神其不昧尚其來饗

明朝列大夫福建布政使司右叅議午江先生陳公墓誌銘

午江先生陳公沒二十年其子謙亨等始得吉兆將歸窆手廣寧學諭東臯王先生所著狀涕泣授余曰知先大夫者無踰先生維是不朽之圖敢徵惠焉余愴然受之曰甫不肖非有道而文者曷敢銘爾先公之墓然謂知爾先公則又奚敢多遜公之先受姓許氏崑山其世縣也曾祖鼐徙常熟之福山祖章生封刑部主事凝陽公玘少育於姑氏蒙陳姓家太倉今爲太倉州人刑部公娶王安人生丈夫子三公其季也旣沒而謙亨等奉遺命復許姓茲仍稱陳公以公通籍於朝者陳也公諱如綸字德宣別號午江人尊稱之曰午江先生生而穎異髫鬣時能續刑部公五言韻語屬家難父兄皆就吏而母以憂遘疾公出護饋橐餉父兄入奉湯藥壯夫弗逮也及難解而王安人捐館舍公哀號毀瘠禮如

成人事後母周孝謹周亦撫之如已出年十
八始就朱宜山先生學即稱高弟經傳子史
目一二過輒不忘嘗從友人借書盈百褰浹
旬輒還友謔曰亦能涉獵乎舉袞叩之應荅
如響工舉業文整潔典麗尤好古文詞詩歌
出語必中矩矱以州學增廣生領嘉靖戊子
鄉薦登壬辰進士授福建候官知縣始至縣
樸茂不見鋒鏑曹史易之藏姦百端一日
悉召諸曹立堂下以次摘發如對案籍諸曹
史膽落伏地謝自是不敢售欺嘗遣隸出辦
還覺有姦詰之不伏令出髮中所藏示曰此
安所來主婦誣坐殺婢而久不得尸公訊疑
其冤沉思累日忽命駕之婦所見傍有僧寺
因步入經智井心動乃徘徊井側殺婢之僧
謂公已得情惶恐首伏出婢骸井中而婦冤
遂白夜方飯趣召邏卒馳烏石山廟中果得
數輩乃聚爲攻剽舊有主名者寡婦訟其子
不孝公漫語曰子不孝杖之死耳婦若有豫

色因使人微得三密語道左者則婦所與通
不利於前妻之子也一縣神明之歌曰舉心
動念自陳知縣然未嘗以察盡人之情事必
持大體而先於教化風俗訟獄關倫理不即
繩以法使謹實鄉老誨諭動其良心有涕泣
而罷者楊某兄弟以鬻產交訟公曰民不親
睦由教之不行乃召其弟役於官以所受直
就兄食而畱其產不令分異尤屬意庠校每
督課諸生竟日不倦創復諸社學嚴擇塾師

墓誌銘

六

三

授以規條時察勤惰而勸懲之禁夜遊羣飲
有犯以贖鍰贍諸貧生閩故多材自公振勵
之視昔益加盛矣緩於催科司計者切責逮
長吏家屬公怡然出所携僕就繫民間之感
泣爭輸爲諸邑最初郵傳任富人爲役豪吏
魚肉之每至破家公議籍畝徵銀爲雇役法
請於御史著爲例檄諸郡準之惠及全省閩
俗售田多積虛賦於貧家以逋賦繫者數十
人公設策勾稽田賦各無脫漏仍請官帑所

羨償宿逋而盡出繫者事上官伉直無所阿
按察羅副使以苛禮不悅公陰使人求公瑕
類久之無所得羅乃歎服定爲深交乙未以
治行卓越就徵備臺諫之選也便道省二親
依戀數月刑部公強之入京則已後選期陞
刑部主事丙申冬得推誕

皇太子恩

封父如其官母王

贈安人已亥

進員外郎庚子進郎中皆仍本部公之爲理
聽微決疑傳以輕平而法有當持屹不可搖
關民者俠雋也窺 上意上變告戚里張某
陰事事連 宮闈下刑部治公折以大義實
時所諱言獄上人且謂不測幸

肅皇帝明聖乃得俞旨邊帥二人以失亡多逮
對而武定侯勛怙寵橫專特私庇之部司累
年不能問公召鞠立具獄明日勳遣爪牙校
四人直入司取獄詞視意在喝公也公曰歸
語爾侯刑部事非他司得聞少需 旨下當
自知矣嘗以爰書呈尚書唐公唐公不可考

三公復呈者三唐公斂容受之卒無所竄易
慮囚淮揚與蘇御史共事蘇負氣喜凌折人
獨嚴重公所論報悉從公指辛丑奉四川卹
刑之命未行擢江西按察司僉事丁繼母
憂甲辰除喪補前職仍按江西至則以風裁
自持鄉邑豪及吏姦貪者皆爲斂避顧性不
欲多撻人嘗曰有法在多撻謂何尤不忍輕
中人以法前按部者旬月論戍邊至三十人
公察其非辜俱從輕比屬吏諷止之公曰知
其冤不白乃徇人邪

肅皇帝遣錦衣使者就龍虎山醮祭所過不勝
橫索巡撫中丞與巡按御史計曰非陳僉憲
莫能辦此乃檄公往公裁以禮法自常餼外
一無所益彼亦憚公至畢事不敢出一言丙
午秋夜漏下數刻矣召謙亨泣且謂曰適念
大人心怔怔動明旦與爾弟亟歸爲吾省問
行未數日則聞刑部公之訃矣即日奔還哀
毀幾不欲生庚戌起復再補江西治狀大都

類前任而惠愛過之方秋將舉大辟覆案諸
章廢寢越月家人以過勞請少休則曰人命
至重吾何敢忽遂以瘁致疾明年擢福建布
政司右叅議將引疾會閩有兵事因自奮曰
吾不可先吾身而後 國家之急力疾赴官
居數月勤事靡懈乃大頓兩疏請骸骨得致
仕抵家百日竟不起壬子九月二十二日也
嗟乎以公如彼其才少假之年於 國當大
有賴而僅僅止此謂非命邪公孝友天植篤

墓誌銘

六

於人倫四時祭饗及父母忌辰未嘗無涕淚
也伯仲早世公爲斂葬諸遺孤訓育婚嫁一
切身任之刑部公遺常稔田二頃及所居第
悉與兄子事姊恭時其乏即周之終身不衰
初配王已沒而其父母後亡無子皆公營葬
仍祀之別室友人弟素不識公以其兄之故
來告急即徹飲具與之性儉約食不二味裼
無重采宴會筐篚取成禮不隨俗華侈遊談
諧笑之客及俳優戲劇絕不入門所以示則

後人慮至遠也與人懇款無城府至於論事
論文必求當理未嘗依違強合尤慎許可所
品題士如王叅政應鍾舒副使汀楊叅議一
謨葉員外廷萃鄭僉事元韶孫郎中坊多至
顯達或見人文章能決其所就爲縣時諸生
林懋舉羅一鸞魏文煥以會文觸夜禁縣尉
持就公索見袖中文稿大奇之三君因師事
公後同舉進士林至布政羅魏並叅政生平
無他玩好每端坐一室手不釋卷學務實踐
不事虛浮談說讀史至忠孝節義事輒廢書
慷慨思效之嘗出都門被疾止三忠祠三忠
者諸葛武侯岳武穆文信國也時困頓不能
執筆猶口占長歌以攄欽慕今所傳三懷詩
是也口恥言貨利在閩有事科場以宴中銀
酒卮歸室丁安人不知爲禮宴物也驚詫曰
君故清白何爲此染蓋素絕苞苴非所慣見
耳永豐縣令素廉吏稍尚彈治爲其下所持
公保護之教以惠和遂稱賢令比公奔喪出

境遣子以茶裹百金爲報公却弗視第曰方
水飲無所用茶嘻此與古所云四知者曷異
哉所著有四書易講義策攷各二卷冰玉堂
稿十卷蘭舟漫稿遊閩稿二餘詞各一卷藏
於家公沒而家人不戒於火稿盡亡謙亨稍
從人間緝得一二成編題曰冰玉堂綴逸稿
公以弘治己未八月二十日生享年五十有
四娶王氏未有出而卒繼即丁安人國子監
承用行公孫女子男三俱州學生長即謙亨

墓誌銘

八

娶楚府典膳王君良秀女次節亨娶汀州知
府黃公伯玉孫女次萃亨娶楚府典儀徐君
繼之女繼騰驥左衛經歷顧君應經女女二
長適季穀不肖次子也次適崑山縣學生浦
君子嘉子士敏孫男女十二自謙亨出者男
一曰養仁未聘女三長適狀公行實者王先
生之孫效乾次未字自節亨出者男三曰士
泌聘州學生徐君元儒女曰士洵聘兵部侍
郎王公子崇曾孫女曰士浚未聘女三長適

州學生江君中伯子有功次未字自萃亨出者男一曰士沆聘崑山縣學生周君顯甫女一未字葬之日爲隆慶辛未十一月二十有六兆在陳岡涇之陽頃居寢火而殞宮密邇得無恙似有天幸由公德厚默相之云銘曰

陳公恂恂古逢掖三十奮庸令巖邑政無頗僻民以懌昔云循吏茲可匹司寇祥刑幽滯釋威行觀察羣工飭長駕方馳道路阨駿業墓誌銘天九

未終世所惜有斐君子儀靡忒身往名存猶籍籍勒銘玄室美豈溢千百斯年徵此石賜進士出身嘉議大夫江西等處提刑按察司按察使致仕奉

詔進階從二品姻生李德甫謨并書丹

賜進士及第詹事府右春坊右中允兼翰林院編修纂修

實錄兼

經筵分理

詔敕前兩京國子監司業王錫爵

卷之六

八

十



書冰玉堂綴逸稿後

冰玉堂綴逸稿者予亡友福建叅議午江陳君之作也堂曰冰玉者何君所居堂之名也稿曰綴逸者何志其掇拾于散逸之餘者也嘉靖壬子君以疾得請既歸于鄉至九月某日卒其子謙亭偕弟節亭

冰玉堂綴逸稿後

一

萃亭相與輯君詩文若干卷丙辰冬介其友馬思堯氏授予俾為編校予謂此後死者之責也其曷讓諸未幾予亦病弗克事事丁巳之夏病日彌宙自分不起恐一旦不可諱必至放失復因思堯氏歸之于其昆弟倘未即填溝壑當為償

此諾也至冬病雖少間未底勿藥
意春庶幾得展閱也戊午正月某
日君居第不戒于火凡其所藏古
今圖籍不啻萬卷悉付煨燼謙亨
等所輯君稿所謂若干卷者亦皆
蕩為灰埃翌日亟往弔之則既歸
之于無何有之鄉矣為之慨嘆惋

水王學微遺稿後

六

二

惜不能已已因自咎曰是予之過
也與是予之過也與向使予不病
維病不甚或尚留于予必不遭是
變也意者文章在天壤間是惟光
岳之氣奎壁之精其復還于造化
不可知也第惜君夙抱經世之志
雖登甲科官省臬用弗究其所蘊

而後其傳于世者不過言語文字而已而造化者顧復靳之若此故凡知君者恒多惜之况予與君託文字之知故世交之好而契誼最久且厚者哉謙亨等不忍使之終于泯泯迺遍訪諸縉紳交游間得其諸體歌詩若干首辭賦序記雜

文若干首總為一帙復俾子類次之嗚呼是什百之一二耳惡足以盡君哉雖然窺豹一斑全體具見後之覽者於此或可得其槩云既成題其端曰冰玉堂綴逸稿復以其蘭舟漫稿一卷二餘詞一卷并附簡末仍書其後而歸之傳曰子

孫保之子又于謙亨昆弟之後重
有望焉戊午秋九月東海畸叟徐
震書

嗚呼許固君先世始賜姓也君
高祖福忠公由常熟徙家太倉
以父命後陳氏厥後子孫遂蒙
其姓君自釋褐宰名邑踐郎署

水堂從遠稿後

六

四

僉臬憲議藩政圖欲請復者屢
矣格于時事不果既卒謙亨等
善愷厥志迺竟克復之君子謂
許氏于是乎有後茲仍書陳姓
者蓋以君策名通籍胥是焉著
則夫人之習于耳目也捨矣是
用復申表之俾可以互見

不復又識

